



# Social Security

## A Snapshot

### Ընկերային Ապահովություն

Մի Հակիրճ Ակնարկ  
Իրողությունների այս թղթիկը մի հակիրճ ակնարկ է Ընկերային Ապահովության, Լրացուցիչ Ապահովության Եկամտի (SSI) և Medicare-ի ծրագրերի ամենից Կարևոր առանձնահատկությունների մասին: Այս ծրագրերի մասին մասնավոր տեղեկություններ դուք կարող եք գտնել Ինտերնետի միջոցով՝ դիմելով [www.ssa.gov](http://www.ssa.gov) էջին, կամ հեռախոսելով մեր անվճար համարին՝ 1-800-772-1213, հետաքրքրուելու համար Ընկերային Ապահովության այլ հրատարակություններով կամ Ընկերային Ապահովության որևէ ներկայացուցչի հետ կրուցել խնդրելով:

#### Ընկերային Ապահովության Համարը

Ընկերային Ապահովությունից ձեր Ստանալիք գումարները կհաշվարկվեն համաձայն ձեր Ընկերային Ապահովության համարի ներքև արձանագրված շահույթի: Հետևաբար, անհրաժեշտ է, որ դուք միշտ օգտագործեք համապատասխան համարը: Բացի այդ, պետք է վստահ լինեք, որ աշխատանքի վայրում ձեր օգտագործած անունը այն նույն անունն է, որը երևում է ձեր Ընկերային Ապահովության տոմսի վրա: Եթե դուք երբևէ փոխեք ձեր անունը, դուք նաև պետք է փոխեք ձեր անունը ձեր Ընկերային Ապահովության տոմսի վրա: Ընկերային Ապահովությունը ձեզ անհիշ ոչինչ չի գանձի այս ծառայության համար: Նույնիսկ փոքրիկ երեխաներ ունեն Ընկերային Ապահովության համարներ, որովհետև ծնողները պետք է համարը նշեն իրենց եկամտահարկի թերթիկների վրա, որպեսզի նրանց ներկայացնեն որպես ծնողներից կախյալ անհատներ:

#### Ընկերային Ապահովության Հարկերի Վճարումը

Եթե դուք աշխատում եք մեկ ուրիշի համար, ձեր գործատերը ձեր աշխատավարձից պահում է Ընկերային Ապահովության Medicare-ի հարկերը, իր կողմից դրան ավելացնում է նույնքան գումար, այդ հարկերը ուղարկում է մ Ներքին Եկամտահարկի ծառայության (IRS) և ձեր եկամտի մասին տեղեկագրում է Ընկերային Ապահովության: Եթե դուք եք ձեր Գործատերը, դուք ձեր Ընկերային Ապահովության հարկերը վճարում եք ձեր եկամտահարկի թերթիկը լրացնելիս, և IRS-ը ինք Ընկերային Ապահովության կտեղեկացնի ձեր շահույթի մասին: Դուք կվճարեք Գործավոր/գործատերի բաժնին համահավասար միացյալ սակ, բայց կան հատուկ պահումներ, որոնք կտրելիս՝ դուք կարող եք հավասարակշռել ձեր հարկի սակը:

#### Ընկերային Ապահովության Վարկեր Շահելը

Աշխատելիս և հարկեր վճարելիս՝ Դուք շահում եք «վարկեր», որոնք հաշվի են առնվում հետագայում Ընկերային Ապահովության նպաստներին իրավասու դառնալու կապակցությամբ: Դուք կարող եք յուրաքանչյուր տարի շահել առավելագույնը չորս վարկ: Մարդկանց մեծ մասի համար անհրաժեշտ է 40 վարկ (10 տարվա աշխատանք), որպեսզի նպաստներից օգտվելու իրավասու լինեն: Ավելի երիտասարդ անձեր կարիքն ունեն նվազ վարկերի՝ անաշխատունակության կամ վերապրողի նպաստներից օգտվելու իրավասու լինելու համար:

#### Ընկերային Ապահովության Նպաստների Պատկերացումը

Ձեր Ընկերային Ապահովության նպաստը մի տոկոսն է ձեր շահույթների, որի միջինը հաշվի է առնվում ձեր աշխատանքային կյանքի մեծ մասի հաշվառումով: Ընկերային Ապահովությունը երբեք չի ստեղծվել ձեր միակ եկամուտը լինելու նպատակով՝ հանգստյան կոչվելուց կամ անաշխատունակ դառնալուց, կամ էլ կապմելու ձեր ընտանիքի միակ եկամուտը՝ ձեր մահվան դեպքում: Նրա նպատակն է լրացնել այլ եկամուտները, որոնք դուք ունեք կենսաթոշակի ծրագրերի, խնայողությունների, ներդրումների և այլ միջոցներով: Ցածր եկամուտով աշխատավորներ կստանան ավելի բարձր սակով հատուցում, քան բարձր եկամտի սահմաններում գտնվող անհատները: սակայն միջին շահույթով որևէ աշխատավոր կարող է ակնկալել հանգստյան կոչվածի նպաստներ, որոնք կներկայացնեն համարյա 40 տոկոսը իր ողջ կյանքում ունեցած միջին շահույթի: Անվճար նախահաշիվ ստանալու համար հանգստյան կոչվածի, անաշխատունակի կամ վերապրողի նպաստների մասին, որոնք կվճարվեն ձեզ կամ ձեր ընտանիքին, հեռախոսեցեք Ընկերային

Ապահովություն 1-800-772-1213 համարով:

## Ընկերային Ապահովության Նպաստներ

Ձեր Ընկերային Ապահովության հարկերի միջոցով վճարվող նպաստները բաժանվում են չորս գլխավոր խմբերի՝ հանգստյան կոչվածություն, անաշխատունակություն, ընտանիքի նպաստներ, վերապրողներ Medicare: (SSI-ի նպաստները, որոնք Ընկերային Ապահովության հարկերի միջոցով չեն ֆինանսավորվում, քննարկվում են մի ուրիշ հատվածում):

### Հանգստյան Կոչվելը

Նպաստները վճարվում են հանգստյան կոչվելու իսկական տարիքում (նվազեցված նպաստները տրամադրելի են ամենաշուտը 62 տարեկանից սկսած) ցանկացա անհատի համար, որը ունի Ընկերային Ապահովության բավարար վարկեր: Հանգստյան կոչվելու իսկական տարիքը 65-ն է 1938-ից առաջ ծնվածների համար: Տարիքը աստիճանաբար բարձրանում և հասնում է մինչև 67-ի՝ 1960-ին և

ավելի ուշ ծնվածների համար: Իրենց հանգստյան կոչվածությունը հանգստյան կոչվելու իսկական տարիքից այն կողմ հետաձգող անհատները կստանան հատուկ վարկ՝ իրենց նպաստ չստացած յուրաքանչյուր ամսի համար, մինչև դառնան 70 տարեկան:

### Անաշխատունակություն

Նպաստները կարող են վճարվել Ցանկացած տարիքում այն անհատներին, ովքեր ունեն բավարար Ընկերային Ապահովության վարկեր և ովքեր ունեն սուր մարմնական կամ մտային վնասվածք, որը ենթադրվում է, որ կխանգարի նրանց հիմնական աշխատանք կատարել մեկ կամ ավելի տարի, կամ ովքեր գտնվում են մահացու վիճակում պատճառող հանգամանքում: Սովորաբար ամսական \$740 կամ ավելի շահույթը համարվում է հիմնական: Անաշխատունակության ծրագիրը ընդգրկում է խթաններ՝ հեշտացնելու վերստին հարմարվելը աշխատանքային ուժին, ներառյալ՝ նպաստների շարունակականությունը և առողջապահական ապահովագրությունը՝ անձի աշխատել փորձելիս:

### Ընտանիքի Նպաստներ

Եթե դուք իրավասու եք հանգստյան կոչվածի կամ անաշխատունակության նպաստների, ձեր ընտանիքի այլ անդամներ ևս կարող են նպաստներ ստանալ: Դրանք ներառում են՝ ձեր կողակիցը, եթե նա 62 տարեկան կամ անց է, կամ եթե 62-ից ցածր է, բայց խնամք է տանում 16 տարեկանից ցածր երեխու, ինչպես նա ձեր երեխաները, եթե նրանք ամուրի են և 18 տարեկանից ցածր, 19-ից ցածր են, բայց դեռ դպրոց են հաճախում, կամ 18 կամ ավելի են, բայց՝ անաշխատունակ: Եթե դուք ամուսնալուծված եք, ձեր նախկին կողակիցը կարող է նպաստներից օգտվելու իրավասու լինել ձեր հաշվին:

### Վերապրողներ

Երբ դուք մահանաք, ձեր ընտանիքի որոշ անդամներ կարող են իրավասու լինել օգտվելու, եթե դուք վաստակել եք բավարար Ընկերային Ապահովության վարկեր՝ աշխատելիս: Ընտանիքի անդամները ընդգրկում են՝ այրին՝ 60 տարեկան կամ ավելի տարեց, 50 տարեկան կամ ավելի տարեց՝ եթե անաշխատունակ է, կամ էլ որևէ տարիքի՝ եթե 16 տարեկանից երիտասարդ երեխու խնամք է տանում: Ձեր վավակները՝ եթե չեն ամուսնացել և 18 տարեկանից ներքև են, 19 տարեկանից ներքև են բայց դեռ դպրոց են հաճախում, կամ 18 տարեկան կամ ավելի են, բայց՝ անաշխատունակ: Ինչպես նաև ձեր ծնողները՝ եթե դուք նրանց առաջնային ապրուստի միջոցն էիք: Հատուկ մի անգամվա համար \$255 կարող է վճարվել ձեր կողակցին կամ անչափահաս վավակներին, երբ դուք մահանաք: Եթե դուք ամուսնալուծված եք, ձեր նախկին կողակիցը կարող է իրավասու լինել այրու նպաստների ձեր հաշվին:

### Medicare

Medicare-ն ունի երկու բաժիններ՝ հիվանդանոցային ապահովագրություն (երբեմն կոչվող Ա. Բաժին) և բժշկական ապահովագրություն (երբեմն կոչվող Բ. Բաժին): Ընդհանուր առմամբ, 65 տարեկանից վեր և Ընկերային Ապահովություն ստացող անհատներ ինքնաբերաբար իրավասու են դարձնում Medicare-ից օգտվելու: Նույնպես իրավասու են անհատներ, ովքեր երկու տարի շարունակ ստանում են անաշխատունակության նպաստներ: Այլ անհատներ պետք է ներկայացնեն մի հայցագիր: Ա. Բաժինը վճարվում է մասնակիորեն այնպիսի անհատների Ընկերային Ապահովության հարկից, ովքեր դեռ աշխատում են: Դա օգնում է վճարելու հիվանդանոցային հիվանդի խնամքի, որակավոր բուժօրոշության և այլ ծառայությունների համար: Բ. Բաժինը վճարվում է մասնակիորեն ամսական սկզբնավճարներովը արձանագրված անհատների,

ինչպես նաև ընդհանուր եկամուտներից: Դա կօգնի վճարելու այնպիսի բաների համար, ինչպիսին են բժշկի սակերը, ոչ-հիվանդանոցային հիվանդների հիվանդանոց այցելությունները և այլ բժշկական ծառայություններ և պիտույքներ:

#### Լրացուցիչ Ապահովության Եկամտի Նպաստներ

SSI-ը կատարում է ամսական վճարումներ այն անհատների համար, ովքեր ունեն ցածր եկամուտ և քիչ ստացվածքներ: SSI ստանալու համար, դուք պետք է լինեք 65 տարեկամ կամ ավելի, կամ էլ՝ անաշխատունակ: Ինչպես երեխաներ, այնպես էլ չափահասներ իրավասու են SSI անաշխատունակության վճարումներից օգտվելու: Ինչպես իր անունն է հուշում, Լրացուցիչ Ապահովության Եկամուտը լրացնում է ձեր եկամուտը մինչև վանապան մակարդակներ՝ նայած թե որտեղ եք բնակվում:

Դաշնակցային կառավարությունը վճարում է մի հիմնական սակ, իսկ որոշ նահանգներ գումար են ավելացնում դրան: Ստուգեք ձեր տեղի Ընկերային Ապահովության գրասենյակից, թե ինչ են SSI սակերը ձեր նահանգում: Ընդհանուր առմամբ, SSI ստացող անհատներ նաև Իրավասու են օգտվելու Medicare-ից, պարենատոմսերից և այլ ծառայություններից:

SSI նպաստները չեն վճարվում Ընկերային Ապահովության վարկային գումարներից և հիմնված չեն անցած շահույթների վրա: Փոխարենը, SSI նպաստները ֆինանսավորվում են ընդհանուր հարկի եկամուտներից՝ ապահովում են մի նվազագույն ամսական եկամուտ տարե անաշխատունակ անձերին:

#### Երբ Եվ Ինչպես Դիմել Ընկերային Ապահովության կամ SSI-ի Համար

Դուք Ընկերային Ապահովության կամ SSI-ի անաշխատունակության նպաստների համար պետք է դիմեք երբ խիստ անկարող եք աշխատելու համար, իսկ վերապրողների նպաստների համար՝ երբ ընտանիքի գլխավոր ապրուստ ապահովող անձը մահանում է: Երբ դուք մտածում եք հանգստյան կոչվելու մասին, դուք պետք է վրուցեք Ընկերային Ապահովության ներկայացուցչի հետ հանգստյան կոչվելու համար ձեր ի մտի ունեցած տարուց մի տարի առաջ: Հնարավոր է, որ ձեզ համար ավելի նպաստավոր լինի սկսել ձեր հանգստյան նպաստներին գործնականորեն աշխատանքից դադարելուց առաջ:

Նպաստներից օգտվելու դիմումի, տեղեկություն ստանալու կամ Ընկերային Ապահովության մի ներկայացուցչի հետ հարցը քննարկելու համար՝ հեռախոսեցեք մեր անվճար համարին՝ 1-800-772-1213: Դուք այդ համարը կարող եք օգտագործել նաև ժամադրություն դասավորելու և ձեր տեղի Ընկերային Ապահովության գրասենյակ այցելելու համար: Մեր հեռախոսի գծերը ամենից շատ ծանրաբեռնված են շաբաթասկզբին՝ ամսեսկզբին, հետևաբար, եթե դուք կարող եք համբերել, նախընտրելի է հեռախոսել ցանկացած այլ ժամանակ:

Երբ դուք նպաստներից օգտվելու համար դիմում կատարեք, դուք պետք է ներկայացնեք ձեր իրավասու լինելը հաստատող փաստաթղթեր, ինչպես՝ ծննդյան վկայագիր նպաստների համար դիմող ընտանիքի յուրաքանչյուր անդամի համար, ամուսնության վկայագիր՝ եթե ձեր կողակիցն է դիմում, և ձեր ամենավերջին W-2 թերթիկը (կամ հարկի մուծման թերթիկը՝ եթե դուք եք Փեր իսկ գործատերը:)

Ընկերային Ապահովության Վարչությունը բոլոր հեռախոսազրույցներին վերաբերվում է խորհրդապահաբար, դրանք կատարվեն անվճար հեռախոսահամարով թե տեղական գրասենյակներից որևէ մեկին վանգահարելով: Մենք նույնպես ցանկանում ենք ապահով լինել, որ դուք ստանաք ճշգրիտ և պատշաճ ծառայություն: Այդ իսկ պատճառով մենք դեպի դուրս կամ դեպի ներս կատարվող որոշ հեռախոսային հաղորդակցությունների ժամանակ գծի վրա ունենք մի երկրորդ Ընկերային Ապահովության ներկայացուցիչ: